

Articulo pa e publicacionan di celebracion di 18 di maart 2007:

**JUAN ENRIQUE IRAUSQUIN q.e.p.d. :
FUNDADOR DI PARTIDO P.P.A.,
SIRBIDOR DI PUEBLO,
ESTADISTA Y POLITICO ARUBANO
FUNDADOR Y TATA DI NOS TURISMO ARUBANO Y
MOTORO DI ECONOMIA ARUBANO !**

Juan Enrique Irausquin a nace na Aruba, dia 3 di december 1904.

Despues di Lagere School na Aruba el a bai Corsow na unda el a sigui diferente curso den educacion comercial y tambe den Accounting, Money and Banking.

Na edad di 14 ana el a drenta den servicio di Hollandsche Bank y den un tempo relativamente cortico a jega ten a procuratiehouder.

Impulsa pa un ambicion di superacion, sr. Irausquin na 1929 a tuma retiro for di Hollandsche Bank y a drenta servicio di firma John Gerard Eman, cu durante algun tempo tabata haci negoshi bancario.

Na 1936 e Frima John Gerard Eman den cooperacion cu Maduro & Curiels Bank NV a dicidi di funda e prome banco Arubano, esta Aruba Bank NV a dicidi di funda e prome banco Arubano, esta Aruba Bank NV., **Juancho**, manera popularmente tabata worde jama, a bira su Director.

Posicion cu el a ocupa ten a ana 1951. Sr. Irausquin tabata activo riba hopi tereno.

E tabata: - presidente di Camara di Comercio,

- miembro di commission di Turismo,

- co-fundador di Rotary Club y Home Buildings Foundation Aruba.

Su carera politico ta ensera:

Na 1947 el a bira miembro di Staten y despues a sali re-elegi den tur eleccion na cual el a tuma parti.

Varios biaha el a worde nombra Presidente di Staten di Antiyas Neerlandes den reconocimebnto pa su capacidadsnan parlamentario.

For di ana 1948 **Juancho** a participa na tur conferencia importante tocante autonomia pa Antillias Neerlandes, manera Ronde Tafel Conferentie y e asina jama Kleine Commissie.

Na 1949 Juan Enrique Irausquin a funda **Partido Patriotico Arubano(P.P.A.)**.

Den e prome eleccion pa Eilandsraad na Aruba, Juancho a sali elegi, kedando miembro di e Raad aki pa varios ana.

Su partido a keda den oposicion te na ana 1954.

Juancho tabata casa cu **Maria Waitzberg**.

Den reconocimiento pa su hopi meritonan riba tereno politico, economico y social, Su mahestad La Reina Juliana a hana bon di nombre **Officier den Orde di Oranje Nassau**.

Aruba y Antillas Neerlandes en general a honra memora di e ilustre Arubano inaugurando un estatua riba e pleinji dilanti Postkantoor y honrado e cu su nomber **“Juan Enrique Irausquinplein”**.

Gobierno di Aruba a duna e caya cual el a construe y tabata e infra-estructura necesario pa e construccion di Hotelnan su nomber na 1992.

Vliegveld di Saba y un caya na St. Maarten tambe ta carga su nomber como reconocimiento di su contribucion na nan desaroyo y progreso.

Servicio Postal di Aruba riba 1 di januari 1996 a sa di honra su memoria cu un stampia special na balor di 100 cent.

Na conmemoracion di e di 50 ana di existencia di Partido Patriotico Aruba ta un deber sagrando y un obligacion di su dirigentenan pa dedica algun palabra di reflexion na e gran figura Arubano fundador di P.P.A. y motor tras di economia Antilliano y Arubano.

Nos kier accentua cu e motibunan di **Juan E. Irausquin q.e.p.d.** pa funda P.P.A. tabata hustamente e principionan sagrando di un Arubano cu ta stima su isla y no a desea pa esaki bai mas profundo den colonialismo cu ya caba e tabata meti.

Historia ta dicta cu na momento cu tabata tin cu kier a humilia Aruba, cu caracter el a sali na defense di su isla y a propina nan un golpi.

Su nomber, labor, actitud, caracter, su sentimentonan pa problemanan di e ser humano den comunidad, tur esaki y mucho mas a hibe den tur skina di Aruba.

*Scirbi y publica pa:
Benedict J.M. Nisbet
P.P.A.*